

**Uči uz
DogsTrust!**



Moj pas i ja

prava drugara dva





Sarajevo, februar 2022. godine

© Fondacija Dogs Trust u BiH | www.dogstrust.ba

Zašto psi žive na ulici?

Pas je životinja koja je čovjeku bliska od davnina. Ali da bi i psi i zajednica bili sretni, jako je važno da ljudi dobro brinu o ovim plemenitim životinjama!

Svakom psu je potrebna briga čovjeka. Psi koji žive na ulici su tu jer su napušteni ili su potomci ranije napuštenih pasa. Zato je toliko važno da se odgovorne institucije pobrinu da se problem riješi humano i trajno.

Za trajno rješenje je obavezno da svi koji nabave psa budu odgovorni, da se dobro brinu o svom ljubimcu, i da ga nikada ne napuste.



Djeco, nikada, ali baš nikada ne prilazite nepoznatom psu!

Posjetite našu You Tube stranicu i pogledajte crtani serijal koji govori o principima sigurnosti u kontaktu sa psima i u blizini pasa!

SVAKOM PSU JE POTREBNA ODGOVORNA BRIGA LJUDI. ZAPAMTITE, NIKADA, ALI BAŠ NIKADA NE PRILAZITE NEPOZNATOM PSU!!!



Kako pas najbolje uči da nas sluša i ponaša se lijepo?

Pas, kao i mi, najbolje uči kroz nagrađivanje i pohvalu. Jedino tako će vas pas slušati sa zadovoljstvom i vjerovati vam.



Kažnjavanje nikada nije opcija! Iako pas od straha može poslušati, takav odnos je nehuman i samo urušava povjerenje i povezanost s vlasnikom.



Pas kojeg vlasnik kažnjava ne samo da trpi, nego može promijeniti ponašanje prema ljudima i biti rizik za druge pse i zajednicu.



Posjetite našu You Tube stranicu i pogledajte serijal „Obuka bez muke za Dogs Trust cuke“ gdje možete dosta naučiti o prirodi pasa i važnosti da svaki vlasnik svog psa obuču lijepom ponašanju kroz pozitivnu motivaciju! Ni mi ne volimo da nas neko kažnjava i više na nas, pa tako ni psi!



**SVI NAJBOLJE UČIMO KROZ POZITIVNU MOTIVACIJU I NAGRAĐIVANJE, PA TAKO I PSI.
NIKADA, BAŠ NIKADA, NE KAŽNJAVAJTE SVOG LJUBIMCA!**

Koje su to potrebe koje psi imaju i kakve su odgovornosti vlasnika?



Svakom psu je potrebno dovoljno zdrave hrane, friške vode, redovna šetnja, igra i obuka, prozračno mjesto adekvatne temperature gdje će boraviti, te veterinarska briga.



Obaveza svakog vlasnika psa je da svom psu osigura sve što mu je potrebno da ima zdrav i sretan život. **Zakonom je propisano da pas mora biti označen/čipovan i unesen u državnu bazu podataka**, te da svake godine primi vakcinu protiv bjesnila, opasne infekcije koja može preći i na ljude.

Kada izvodi svog psa, vlasnik je dužan pobrinuti se da pas ne bude u opasnosti, kao i da on sam ne predstavlja rizik zajednici. **Takođe, vlasnik je obavezan da očisti i pokupi iza svog psa, i da otpad propisno odloži.**



VLASNICI SU ZAKONOM OBAVEZNI DA OSIGURAJU DA JE NJIHOV PAS ZADOVOLJAN I DA NE PREDSTAVLJA RIZIK ZAJEDNICI, KAO I DA SVOG PSA OZNAČE MIKROČIPIKOM I UNESU U DRŽAVNU BAZU PODATAKA.

Želiš li psa?



Mnogi od nas, a posebno djeca, žele imati psa! Psi su zabavni, odani, uljepšavaju nam život i unose radost.

Ali, zapamti:

Jako je važno da znaš da je pas i velika i dugotrajna obaveza.

Psa treba nabaviti samo ako ste spremni o njemu brinuti dobro i odgovorno za cijeli njegov život, što je ponekada i preko 15 godina.

U odluci o nabavljanju psa treba da odlučuje cijela porodica, ali naravno da su odrasle osobe jedine odgovorne i mogu najbolje procijeniti da li je porodica spremna na ovaj korak.



**IMATI PSA JE DIVNO, ALI I VELIKA ODGOVORNOST!
PSA TREBA NABAVITI SAMO ONAJ KOJI JE SPREMAN DA SE O
NJEMU DOBRO BRINE DO KRAJA NJEGOVOG ŽIVOTA.**

Kako djeca mogu pomoći roditeljima u brizi o ljubimcu?



Ako već imate psa, važno je da dobro poznajete principe sigurnosti i da upoznate prirodu i karakter svog ljubimca. Ovo možeš uraditi uz pomoć i nadzor odrasle osobe, a najbolje stručnjaka. Djeca nikada ne treba da psa izvode bez nadzora odrasle osobe jer to nije sigurno ni za njih ni za psa. Ipak, kao dijete možeš pomoći odraslima koji se brinu o psu; npr. možeš pomoći sa hranjenjem, sipanjem vode, kao i pri čišćenju iza psa kada ste u šetnji. **Zapamti da uvijek dobro opereš ruke nakon što čistiš iza psa ili kada igra završi.**

RADI SIGURNOSTI, DJECA NE TREBA DA IZVODE PSA SAMA, VEĆ SAMO POD NADZOROM ODRASLE OSOBE.
ALI, DJECA MOGU ODRASLIMA MNOGO POMOĆI U BRIZI OKO PSA U KUĆI I U ŠETNJI.



Najbolji



krzneni prijatelj

Kako sam dobila mog najboljeg krznenog prijatelja

Zdravo. Ja sam Mia.

Iako moji roditelji vole životinje, dok sam bila mlađa, nisu bili sigurni da će imati dovoljno vremena da se brinu o još jednom članu porodice. Znae, pas nije igračka koja služi za zabavu, nego živo biće kojem je potrebna dobra briga i to do kraja njegovog života! Mama kaže da psi imaju osjećaje kao i mi, i da je jako važno da budemo sigurni da ljubimcu pružimo sve što mu treba!



Pas nije igračka, nego živo biće koje ima osjećaje kao i mi, i potrebna mu je dobra briga do kraja njegovog života!



A na Dogs Trust radionicama sam naučila da je svakom psu potrebno dovoljno zdrave hrane, friške vode, prozračno mjesto gdje boravi – da mu nije hladno ili prevruće, kretanja i šetnje, posjete veterinaru, a ponajviše ljubav i pažnja! Psu takođe treba da uči nove stvari, a to najbolje radi uz nagrađivanje. Zato Dogs Trust ima Školu za pse na kojoj vlasnici nauče kako da bolje razumiju svog ljubimca i kako da ih on sluša sa zadovoljstvom! Na Dogs Trust You Tube kanalu sam pogledala serijal Obuka bez muke za Dogs Trust cuke i tu sam puno naučila i o tome koliko je važno da svog psa nikada ne kažnjavamo.



Obučite svog ljubimca lijepom ponašanju kroz nagrađivanje, i NIKADA kažnjavanje! On će vas tako slušati sa zadovoljstvom, a vaša veza postat će još jača!



Pogledajte i vi serijal „Obuka bez muke za Dogs Trust cuke“ na Dogs Trust You Tube kanalu!

Kada sam napunila 8 godina, na Dogs Trust web stranici na kojoj često čitam o psima i o sigurnosti djece sa njima, vidjela sam sliku psića koji mi je odmah „zapeo za oko“. Pokazala sam mami, i moram reći da ni ona nije bila ravnodušna na oči psa po imenu Leo! Tu več, moji roditelji su mi saopštili najljepšu vijest! Odlučili su da možemo preuzeti tu veliku odgovornost jer ona znači toliko puno sreće i radosti! Žele da se prijavimo i udomimo Lea! Srce mi je jače zalupalo, i do kraja dana sam samo maštala kako se igram s njim, kako šetamo, kako spava pored mog kreveta.



Jeste li znali da odrastati sa ljubimcem pomaže djeci da razvijaju empatiju, poštovanje drugog i drugačijeg, odgovornost i samopouzdanje?



Na Dogs Trust stranici, zajedno smo popunili prijavu za udomljavanje Lea. Mama mi je napomenula da ne možemo znati hoćemo li dobiti Lea, jer pas se ne bira samo po izgledu. Pored naše želje i volje, važno je da se njegove potrebe slažu sa našim životnim stilom, i da kako tata kaže, „kliknemo“! Zato je tako bitno dobiti savjet stručnjaka kada nabavljate psa. Nakon razgovora sa Fostering koordinatorom i

posjete našem domu, Leo koji je do tada boravio kod privremenog vlasnika ili Fostering volontera, bio je spreman da nas upozna. Upoznavanje je dogovoreno u parku gdje je inače izlazio sa privremenim vlasnikom kako se Leo ne bi osjećao nesigurno zbog nagle promjene. Taj dan sam jedva uspjela napisati zadaću, i stalno sam pogledavala na sat. Kada će više 2 sata da idemo upoznati Lea?!



Sa Dogs Trust koordinatorom smo prišli privremenom vlasniku koji je držao Lea na povocu. Leo je bio još slađi nego na slici! Nisam mogla skinuti osmjeh s lica, ali sam se ipak suzdržala i pratila sve principe sigurnosti. Prvo sam pitala roditelje i Leovog privremenog vlasnika, a kada mi je i Leo dao „odobrenje“, prišao mi sam i onjušio me, bilo je jasno da želi da ga pomazim! Nježno sam ga pogladila niz dlaku. Mahao je repom opušteno i sretno, čak je i liznuo tatu koji se spustio da ga pomazi. Kliknuli smo, tiho sam rekla, trudeći se da ne uplašim Lea. Znam da nam je Dogs Trust edukatorica jednom na radionici spomenula da se pas može uplašiti od glasnog i iznenadnog zvuka.



I to je bio početak najljepšeg prijateljstva u mom životu! Leo je sada kod nas već 2 godine. Završili smo Školu za pse, a on je naučio da se ponaša kao „gospodin“ iako ponekada bude malo neozbiljan, trči za loptom i izaziva nas da ga ganjamo. Ja mnogo pomažem da se dobro brinemo o Leu, ali ipak moji

roditelji kao odrasle osobe uvijek sve nadziru. A Leo i ja se dobro razumijemo. Čim sjednem na kauč da gledam TV, on se „nacrtá“ pored i namjesti se da ga mazim. Nadam se da će Leo sa nama biti puno, puno sretnih, zdravih godina. Velika je stvar udomiti psa i spasiti jedan život. Svi Dogs Trust psi su spašeni sa ulice i pokazali su spremnost da se lako i bez stresa prilagode životu u domu. Ako želite psa i imate uslove da ga odgovorno držite, razmislite i vi da udomite i tako dobijete prijatelja koji će vam biti beskrajno odan i zahvalan!



Ako nabavljate psa, uvijek potražite savjet stručnjaka! Udomiti je lijepo, jer time spašavamo jedan život, a ljubimac kojeg ćemo dobiti bit će neizmerno zahvalan, a i jedinstven kao i mi!

Posjetite Dogs Trust You Tube kanal i pogledajte kako se provodi naš program Fostering udomljavanja!



www.dogstrust.ba/fostering/



Savjet za brigu o psu tokom zimskih dana



Psa držite na povocu ako pada snijeg. Snijeg pse može dezorijentisati te se mogu lako izgubiti.





Nakon šetnje obavezno prebrišite šape, noge i stomak vašem psu, kako ih sitni pijesak i so ne bi iritirali.

Osigurajte da vaš pas ima ogrlicu i sa veterinarom potvrdite da je mikročipovan, te unesen u državnu bazu podataka.



U slučaju velike hladnoće, može biti teško prikopčati povodac na ogrlicu ili prsnik, a kiša može dovesti do toga da metalna zakačka zahrđa, zato redovno provjeravajte je li oprema za vašeg psa u dobrom stanju kako bi vaš pas bio što sigurniji.

NIKADA ne ostavljajte svog psa u autu za vrijeme ekstremnih temperatura.



OPASNOST! Antifriz je veoma otrovan ali psima jako ukusan. Držite ga podalje od vašeg ljubimca!

Savjet za brigu o psu tokom ljetnih dana




Šetajte svog psa kada je malo hladnije - ranije ujutro ili kasnije navečer

Osigurajte dosta friške vode za piće svom psu, kao i boravak u hladovini



Ako na asfaltu/podlozi po kojoj se šeta, od vreline ne možete držati svoju ruku duže od 7 sekundi, podloga je prevrela i za šapice Vašeg psa



5 znakova toplotnog udara



Prva pomoć u slučaju toplotnog udara psa

- Odmah prebacite psa u hlad
- Posipajte ih malim količinama mlake vode (nikada ne koristite hladnu vodu!)
- pomozite psu da popije male količine mlake vode
- Kada se dahtanje smiri, pozovite najbližu veterinarsku pomoć



Provjera
znanja ✓ ✗




Zaokruži tačan odgovor, i ako želiš, isprintaj, napiši obrazloženje svog odgovora i pošalji nam na office@dogstrust.ba sa predmetom: Test znanja djeca, ili poštom na **Dogs Trust u BiH, Program edukacije djece, Gorica 61, 71000 Sarajevo. Ako uključiš svoju punu adresu, mi ćemo ti poslati poklon koji će ti pomoći da što bolje naučiš o sigurnosti sa psima!**

VAŽNO: Za ovu igru, obavezno traži odobrenje roditelja!

- ↳ 1. Ako želiš da nabaviš psa, možeš jednostavno otići u pet shop i kupiti ga TAČNO NETAČNO
-
- ↳ 2. Djeca treba da pitaju roditelje ako žele da psa dovedu sa ulice i udome ga TAČNO NETAČNO
-
- ↳ 3. Udomiti je super jer time spašavamo jedan život, ali važno je da odluku donesu odrasle osobe u porodici i da se svi ukućani slože da se o psu mogu brinuti do kraja njegovog života TAČNO NETAČNO
-
- ↳ 4. Kada nabavite psa, prvo ga odvedite na kupanje i šišanje a veterinaru možete i kada bude imao godinu dana TAČNO NETAČNO
-
- ↳ 5. Ako udomite psa kroz Dogs Trust Program fostering udomljavanja, stručnjak će izvršiti procjenu potreba i karaktera psa tako da se slaže sa mogućnostima i životnim stilom porodice TAČNO NETAČNO
-
- ↳ 6. Kada vidite slatkog psića na ulici, potrčite prema njemu raširenih ruku da ga pomazite TAČNO NETAČNO
-
- ↳ 7. Djeca nikada ne trebaju sama izvoditi svog ljubimca, već samo u pratnji odrasle osobe TAČNO NETAČNO
-
- ↳ 8. Psi žive na ulici jer su tu oduvijek TAČNO NETAČNO
-
- ↳ 9. Psi najbolje uče kroz nagrađivanje, a nikada kroz kažnjavanje TAČNO NETAČNO
-
- ↳ 10. Kada prilaziš nepoznatom vlasničkom psu:
- | | | |
|---------------------------|---|---|
| a) | b) | c) |
| Odmah mu priđi i zagri ga | Prvo pitaj svog roditelja, pa vlasnika psa, a onda čekaj da ti pas sam pristupi | Prvo pitaj svog roditelja, pa vlasnika, i pruži psu ruku da te onjuši |
-
- ↳ 11. Kada vidiš nepoznatog uličnog psa kojeg se plašiš, trči što brže, zovi upomoć i maši rukama TAČNO NETAČNO
-
- ↳ 12. Psi su na ulici jer su ih neodgovorni ljudi napustili, ili su potomci napuštenih pasa TAČNO NETAČNO
-

Vježbajmo matematiku!

3



1. Adin sa svojim roditeljima svako jutro i večer izvodi svog psa u šetnju. Dužina puta od kuće do parka u jednom pravcu je 500 metara. Šetnja u jednom pravcu traje 6 minuta. Pas i Adin u jednoj šetnji u igri u parku provedu 30 minuta.

Postavi zadatak i izračunaj:

- a. Koliko metara Adin šeta sa svojim psom dnevno? Izrazi to i u kilometrima.
- b. Koliko minuta dnevno Adin provede u šetnji, a koliko u igri u parku sa svojim psom?

U šetnji:

U igri:

Zajedno:



6 + ___ + ___ + ___ = _____ minuta

Rješenje:
2000m ili 2km


Rješenje:
U šetnji: 24 minute
U igri: 60 minuta
Zajedno: 84 minuta

2. Maja zna da odrasle pse treba hraniti dva puta dnevno. Zato ona priprema 8 obroka dnevno za napuštene pse u dvorištu. Koliko pasa Maja dnevno nahrani?

Izračunaj:

8 : ___ = ___

Rješenje:
4



Upoznaj neke od pasmina



Saint Bernard

VISINA 65-90 cm

OKRETNOST 🐾🐾

BUKA 🐾🐾🐾

ENERGIJA 🐾🐾



Pomeranian

VISINA 20 cm

OKRETNOST 🐾🐾🐾

BUKA 🐾🐾

ENERGIJA 🐾🐾🐾🐾



Chihuahua

VISINA 15-23 cm

OKRETNOST 🐾🐾🐾

BUKA 🐾🐾🐾

ENERGIJA 🐾🐾🐾🐾



Rottweiler

VISINA 56-69 cm

OKRETNOST 🐾🐾🐾🐾

BUKA 🐾🐾

ENERGIJA 🐾🐾🐾



Dalmatian

VISINA 56-64 cm

OKRETNOST 🐾🐾

BUKA 🐾🐾🐾

ENERGIJA 🐾🐾



Welsh Gorgi

VISINA 25-30 cm

OKRETNOST 🐾🐾

BUKA 🐾🐾🐾

ENERGIJA 🐾🐾🐾



Shih Tzu

VISINA 20-27 cm

OKRETNOST 🐾🐾

BUKA 🐾🐾🐾

ENERGIJA 🐾🐾



Pug

VISINA 25-36 cm

OKRETNOST 🐾

BUKA 🐾🐾🐾

ENERGIJA 🐾🐾



Jack Russell Terrier

VISINA 31-38 cm

OKRETNOST 🐾🐾🐾

BUKA 🐾🐾🐾

ENERGIJA 🐾🐾🐾🐾



Dachshund

VISINA 20-23 cm

OKRETNOST 🐾🐾

BUKA 🐾🐾🐾

ENERGIJA 🐾🐾🐾



Akita Inu

VISINA 58-70 cm

OKRETNOST 🐾🐾🐾🐾

BUKA 🐾🐾🐾🐾

ENERGIJA 🐾🐾🐾



Doberman Pinsche

VISINA 61-72 cm

OKRETNOST 🐾🐾🐾🐾

BUKA 🐾🐾

ENERGIJA 🐾🐾



Golden Retriever

VISINA 51-61 cm

OKRETNOST 🐾🐾

BUKA 🐾🐾🐾

ENERGIJA 🐾🐾🐾🐾



Siberian Husky

VISINA 50-60 cm

OKRETNOST 🐾🐾🐾

BUKA 🐾🐾🐾🐾

ENERGIJA 🐾🐾🐾



Beagle

VISINA 33-41 cm

OKRETNOST 🐾🐾🐾

BUKA 🐾🐾

ENERGIJA 🐾🐾🐾🐾

Ako tvoja porodica želi da udomi psa uz savjet stručnjaka, zamoli svoje roditelje da provjere našu stranicu:



www.dogstrust.ba/fostering/

**OBUČITE SVOG LJUBIMCA LIJEPOM
PONAŠANJU U DOGS TRUST ŠKOLI ZA PSE!**



ŠKOLA ZA PSE

Šta je to najvažnije za uspijeh?

**Vježbati često i
gdje je god moguće**



ENSAR
trener

**Biti dosljedan
i ne «popuštati»**

**Striktno pratiti
upute**



MIRZA
trener



MUFID
trener

Obuka koja zbližava!

**Prijavite se na
www.dogstrust.ba/skolazapse**



www.dogstrust.ba

Fondacija Dogs Trust u Bosni i Hercegovini | Gorica 61, 71000 Sarajevo, Bosna i Hercegovina
T+387 33 83 76 49 | T+387 33 83 25 93 | T +387 33 83 26 34 | office@dogstrust.ba | www.dogstrust.ba